

肅宗



竹居攷廬

全唐文

卷四十三之四十五

畫宋

竹居跋



全唐文
卷四十五

欽定全唐文卷四十三目錄

肅宗 二

命趙王係充天下兵馬元帥詔

加恩處分流貶官員詔

申戒刺史考察縣令詔

親征史思明詔

答文武百官表賀河陽陝東破賊詔

授蕭華魏州刺史詔

贈李嗣業武威郡王詔



州縣奏替官具履歷詔

令百官議罷新錢詔

追贈興王侶爲恭懿太子詔

命郭子儀充諸道兵馬都統詔

張守節致仕詔

迎慧忠法師詔

貶李揆袁州長史詔

罷役興農詔

贈李齊物太子太師詔

答郭子儀等表請宣示儉德詔

加李輔國兵部尚書詔

命有司舉行郊廟大禮詔

收葬遇害王妃詔

追謚靖德太子琮爲奉天皇帝詔

封郭子儀爲汾陽郡王詔

答中書門下表賀崔旰獻定國寶玉詔

命皇太子監國詔

命皇太子即位詔

遺詔

皇帝遺詔太子繼繼奉天皇帝

皇帝遺詔太子繼繼奉天皇帝

皇帝遺詔太子繼繼奉天皇帝

皇帝遺詔太子繼繼奉天皇帝

皇帝遺詔太子繼繼奉天皇帝

欽定全唐文卷四十三

肅宗

二

命趙王係充天下兵馬元帥詔

握兵之要古先爲重命帥之道心膂攸憑是知靖難夷凶
必資於金革總戎授律實仗於親賢蓋將底寧邦家保息
黎獻者矣朕以薄德纘承鴻緒往屬元凶暴亂中夏不寧
上憑宗社之靈下藉熊羆之力由是廓清咸洛拯此生人
頃以河朔殘妖尚稽天討蛇豕竊依於城堡塗炭久被於
齊昨朕爲人父母寧忘閔念雖好生息戰每冀其歸降而

餘孽昧恩靡聞於悔禍所以軒后親征於獯鬻周文致役於昆夷古之用兵蓋非獲已趙王係幼稟異操夙懷韜略負東平之文學蘊任城之智勇性惟忠孝持愛敬以立身志尚權謀有經通之遠智知子者父方有屬於維城擇能而授俾克申於戎律且凶徒嘯聚頗厯歲時惡旣貫盈理當撲滅君親有命可不敬乎俾展龍豹之韜永清梟獍之類可充天下兵馬元帥仍令司空兼侍中鄭國公光弼副知節度行營事應緣軍司署置所司準式

加恩處分流貶官員詔

刑政之本皇王大要政事或失於厥中帝道則乖於御下
王者持平愼恤蓋在於此朕纘服洪緒躬臨庶政何嘗不
內軫泣辜之念外覃解網之恩詔書所下期於必當往以
衣冠之伍受職賊中量其重輕俾申貶黜比聞三司處置
未甚均平或同科之中升降有異或謫任之所風宜不一
頗招情故殊非至公是以搢紳之間不無竊議有司奉法
其若是邪又流降量移久申詔令省司類例事亦稽遲遂
使嶺嶂踰時積流荒之嘆雨露凝澤壅如絲之旨逖聽遐
邇頗聞咨嗟斯乃主者怠官甚無謂也宜令中書門下類

例三司先所貶官各據科目均平改擬仍審勘前後制勅
應合霑恩并速處分準制合量移人亦令吏部速比類聞
奏又緣頃經逆亂中夏不寧士子之流多投江外或扶老
攜幼久寓他鄉失職無儲難歸京邑眷言憫念實惻於懷
宜令中書門下牒本道責取名品應五品已上官並即與
進取六品已下官合序用名品可收者亦量才敘用仍據
中外員闕均聽授官其授京官者仰本道勾當裝束即令
赴京授外官者各令之任餘不合授官是士流者所在州
縣一切安存無害公私勿令干擾

申戒刺史考察縣令詔

朕聞効官者必量力而授任致理者亦擇才而簡能況風化之源本資於長吏升降之義用明於朝典古之建萬國親諸侯蓋以撫綏黎民宣布王化則今之令長古稱子男矜孤恤寡均徭省賦皆是職也朕以薄德恭膺寶位屬殘孽猶聚戎軍未戢雖憂國之計且務於濟時而恤人之心每深於惠物將求厚俗必在審官至於刺史治中皆制命所授辨其材術蓋在朝廷先令中書門下精加擇訪務德惟良如非理人之材並即量宜改授且諸縣令員數應多

如聞處理之間廉平者少或使司所奏以功見稱或主司所擬循資而授儻乖任用空忝親人或有案牘之間曾未閑於令式征賦之際皆委任於胥徒繇是吏轉生奸遂爲蠹政人不堪命因而失業興言及此良用憮然夫易柱以調弦聲之和也革弊而從理政之體也漢宣帝曰與我共理天下者其惟良二千石乎因知方嶽之任足以委黜陟之權矣凡諸道節度皆職備防戎政在理兵豈遑廉問必令郎官御史分命巡察則乘驛蹕往難於委知諒無益於澄清反有增於勞擾其天下縣令各仰本州府長官審加

詳察如有衰耄暗弱或貪財縱暴不閑時政爲害於人並具名錄奏即與改替其才職相當者並依舊奏定已後有不稱者所繇官長量加殿黜庶理人之職無或謬焉又入仕之流本期展用且無事實豈可徒勞今員外之官所在甚衆既不釐務空效馳驅將適鄉閭復拘職守念其旅寓良可優矜應州縣見任員外官並任其所適計秩滿後各與成資仍於本色內減一兩選與留其先緣罪累貶授者不在此限如員外官中材識幹濟曾經任使州縣所資者亦任量留上州不得過五人中州不得過四人下州不得

過三人上縣已上不得過一人古之任官必寄成政如長吏數易則綱條不恤所以人懷苟進之心俗靡居常之業比者或開此弊實謂未便於時自今已後刺史縣令更不得數有移改善政聞於上則當議擢遷如道失厥中亦自申懲誠黜陟之道固有彝章又比來刺史之任皆先奏州縣官屬苟爲改作孰免顏情自今已後除帶刺史判官外一切不得奏改官吏到任之後察有罪累及不稱職者任具狀奏聞請然後無所與替其刺史非兼節度但有防禦使者副使判官委於本州官中推擇亦不得別奏人並委

中書門下著爲常法庶使官無失位政有常經宣示天下
宜知朕意

親征史思明詔

昔昆夷作患周宣興薄伐之役陳豨稱亂漢祖發親征之
師蓋所以禁暴除凶取威靖難上以保宗社下以拯黎元
古者帝王茲道無替項者祿山稱兵搆逆背義負恩惡旣
貫盈尋已殄滅而思明殘寇尚敢挺妖聚其蜂蠆之餘邀
我雷霆之伐朕以干戈屢動黎庶未康繇是按甲延誅冀
其來格而乃竊兵干紀自取滅亡副元帥光弼糾率銳徒

恭行天罰爰啟絳宮之略克摧青犢之師曾未浹辰大破
凶黨此皆穹昊垂祐宗社降靈是以戎律用貞禍淫斯在
如聞蓬艾之下蚊蚋猶虞故當乘破竹以追奔同燎原而
撲滅朕爲人父母深念塗炭是用大整戈矛方申弔伐撫
綏河雒以致和平即以今月十七日幸東京率六軍取北
路進發但巡幸所過自有行營應緣祇供並有司自辦其
路次州縣一切不得別有徵斂亦不得輒有進獻及時新
野味等王公以下文武從官每頓主人供蔬飯不得輒置
魚肉餅果及鋪設亦不得妄差人力別有祇承行從官及

州縣所繇有如違犯王公以下五品以上具名錄奏當日
貶官餘并從軍令仍令知頓使左右巡使御史相知糾察
具狀彈奏如涉阿容及不能舉奏所繇議在必行毋貽後
悔仍令戶部侍郎同中書門下平章事第五琦充置頓使
應行幸供擬及兵馬糧料續摶節作條件奏聞其從官委
中書門下定名錄奏務從減省不欲勞煩宣示中外宜知
朕意

答文武百官表賀河陽陝東破賊詔

朕爲人父母時屬艱虞東夏不康近郊多壘除妖撲燎戎